

壇廟

庵寺觀附舊志三百有餘歷年久遠廢興不一茲畧載之

自天地設位以迨聖人設教而鬼神皆運用成能于其中且社稷鍾靈山川獻瑞護斯民而澤萬物可不崇壇廟之祀耶致祭者內潔其志外脩其物非矜縟節也飾虛文也神所憑依將在德矣其念之哉

社稷壇

在縣治北門外舊立齋廳三間今廢之歲二八月上戊日致祭以木為主帛用黑額設祭

銀詳載丁賦內

山川壇

在縣治南門外舊立齋廳三間今廢之祭日同上神位三山川居左風雲雷雨居中本縣

天柱縣志

上卷

三七

城隍居右帛用白額

厲壇

在縣治北門外每歲春之清明秋之中元冬之朔日祭無祀鬼神迎城隍神位于壇上以王之舊有廳三間今廢之額設祭銀載丁賦內

城隍廟

在縣治東門內之左舊宇狹隘朱君新廓之今參府彭知縣王捐銀重建門樓

龍王廟

在城東北之交宋紹興建左有觀音閣年久傾圮康熙初年復創焉此舊閣更崇

飛山廟

在縣治西門外設自有明初後遇回祿順治十八年更立之各里崇祀者不一

淨神廟

在縣治西門外設自有明年久傾圮順治十八年重建之各里祀之不一

晏公廟

在縣治南門內設自有明初後建天妃宮于其右

五通廟

在縣治東門外設自先朝之初其在各里廟制不一

馬王廟

在縣治東門外順治十七年新立之

伏魔廟

在縣治東門外二里許萬曆三十四年朱君捐贖金五十余兩祠而祀之

關聖殿

在縣治西門內左有準提庵俱康熙初年新

田心庵

在縣東十里有新舊二庵

星官庵

在縣東地湖一百二十里

朝陽庵

在縣東一百里

禪靜庵

在縣東一百里

水口庵

在縣北二十里

邦洞中庵

在縣北十三里

報恩寺

在縣治南門外設自有明初舊名太平寺朱君更爲報恩寺後毀爲興寶禪林

北極寺

在縣治北門外久廢

西來寺

在縣西門外已廢

觀音寺

在遠口去城五十里

羅漢寺

在遠口去城五十里

天柱縣志

上卷

三十八

雷震寺

在縣東五十里

三清觀

在縣治東門外設自先朝年久傾圮康熙二十二年重建之

雲臺觀

在縣西三里

玉皇閣

在縣治東門外有明初年建焉

文昌閣

在玉皇閣之前康熙五年邑侯黃君開運新立之治有香火田

迴龍閣

在寶帶橋之左邑侯韓君建之

聽松閣

在縣西二十五里

三聖宮

在縣廳之後北門內明正統年建

三元宮

在鐘鼓洞之右朱君捐俸建之前爲八角亭後爲枕流漱石亭其景較勝今廢之

青木楊公祠

在縣北七十里新市鎮

朱公祠

在城東門內各里之祠不一

關梁

關以通商梁以濟涉古之制也往巖邑也舟車不至何有於大商大賈焉行旅以肩背負者將安稅此鎮遠江東二而一也若山溪漲溢徒輿往來而民不病涉不又多乎牧是土者取其山川形勢而論定之宜津宜梁宜棧無使泣岐路而阻遠人抑為政之一端也

鎮遠巡檢司

舊設署于鷓鴣兵燹後移上新市十里

江東巡檢司

久奉裁并鎮遠司一年一處

天柱縣志

上卷

二十九

清江鎮

在鷓鴣萬曆二十五年朱公建設公館以脩

新民鎮

在鷓鴣對河萬曆二十八年朱君新設以接苗者今廢之

新市鎮

在襄洞萬曆二十五年朱公新建官店數十間募土著聚客商往來魚鹽木貨泊舟于此

寶帶橋

在縣東五里萬曆乙巳之秋朱君鼓舞民苗共立之解銀帶以鎮橋遂名後韓君閔君黃

君續修之夏名保泰橋

遠口橋

在縣東五十里石甃之

西流橋

在縣東八十里以木為之

永勝橋

在縣北三里舊立之康熙二十年新葺焉

紫雲橋

在縣北門外舊立之康熙七八年更新創焉

西江嗣壽橋 舊以木爲之被水衝沒康熙二十四年知縣王參府彭捐俸築以石焉

擺頭橋 在縣東北二十五里

王家寨橋 在縣東北三十五里

楞寨橋 在縣東北四十里

三叉塘橋 在縣北五十里今廢之

聚溪冲橋 在縣北六十里

邦洞橋 在縣北十五里

廣洞橋 在縣北二十里

社學橋 在縣東十里朱君立之年久傾圮復募葺焉

天柱縣志

上卷

三十

鸕鷀渡 在縣東四十里渡夫工食並修舡銀詳載丁賦

滙東渡 在縣東五十里渡夫工食修舡之費詳見丁賦

小江渡 在縣東三十里渡夫工食修舡俱見丁賦

郵舍

天柱靖屬邑也東連靖會餘三面則隣辰之沅州黔之鎮遠其所以速郵傳者則唯靖州是問邊所統也雖鳥道崎嶇苗蠻出沒亦在所不廢至若由縣至州按里分舖沿途不絕如線究厥成規則有張君申詳勒石在焉記詳見藝文

縣前舖

苗里各苗輪應

金鳳舖

民里一苗應之

鸞鷄舖

民里二苗應

黃田舖

民里三苗應之

朝陽舖

民里與文應

煙燉舖

民里四苗應之

天柱縣志

上卷

三十一

富團舖

民里新里應

飛山舖

民里坊廂苗里二苗共應之係半舖

辰陽驛馬價

洪江驛水夫

俱不在縣治內每年撥補銀兩詳見丁賦

坊鄉

攷坊鄉之名所以別里圖統排甲也而內外遠近之義備焉天柱舊轄三苗朱君新割五里清丈田賦增一新里於四崗之中加半坊廂于六里之外寨崗有別里甲攸均鄉約以解其紛千保以均其役一好尚而同風俗此道得之至若馭苗之法歸化定其名賞款鼓其義區其圖自一而三統其人維苗與漢殆所謂內以制外近以控遠之意與嗟乎吾觀諸苗非難格也要在通事洞長廉得其人

天柱縣志

上卷

三五

期于公忠清慎而已然統斯通事洞長者不又當如是耶

坊表

金精玉粹

明辰州府節推李紹道駐天柱贊勸改縣三年告成民苗立坊頌德後遇兵火新立之更題名天朝柱石

光孝坊

通渠坊

恤軍坊

愛民坊

武定坊

永寧坊

阜國坊

安富坊

迎恩坊

太和坊

永興坊

永政坊

龍泉坊

以上各坊在城俱遇兵火無存

安樂鄉一畝在縣東西廣五十里

計寨分三十

雷寨

稿寨

蒙寨

伍家寨

烹寨

白毛寨

坪鴉寨

小水寨

暮頭寨

田心寨

旺寨

江頭寨

岩寨

戈寥寨

巴晚寨

巴丹寨

裸寨

龍寨

悶松寨

博皮寨

坵寨

九寨

雲盤寨

幞頭寨

哺洞寨

下黃寨

老虎壩

岩凹寨

天柱縣志

上卷

三十三

龍章寨

八頌寨

安樂鄉一畝在縣東北廣七十里

計寨分四十四

長團寨

岩門寨

度暮寨

度馬寨

新丹寨

江東寨

汶溪寨

老團寨

舊團寨

金溪寨

黃勞寨

七層寨

盧山寨

和尚坡

自坪寨

濫溪寨

白岩塘

土庫田

羅冲寨

打油坪

苗溪寨

甫山寨

八十田

石牛岩

盧笛寨

蔣家寨

羅家寨

大塘頭

瓜冲寨 廖家寨 三角冲 大羅田

岩寨 洪坡寨 三百段 木冲溪

宋家坪 長灘寨 白岩坡 楓塘冲

桃竹洞 竿子溪 應家庄 榛木凹

安樂鄉三箇在縣北廣八十里 計寨分三十七

金紫寨 平溪寨 柳溪寨 襄洞寨

塘柴寨 巨潭寨 客寨 地鎖寨

翁廛寨 平地寨 強將寨 都甫寨

蔽寨 藍田寨 謝甲屯 重厥屯

天柱縣志 上卷 三十四

楞寨 王家寨 在頭寨 黃晚屯

梭平屯 阿陽寨 瓦窰江 聚溪寨

大段寨 永泰官庄 上注溪 貢溪寨

三义塘 皮野寨 藥瓦寨 翁道寨

下注溪 永寧哨 禾稿寨 陽和寨

中鄉寨

安樂鄉四箇在縣西北廣四十里 計寨分二十三

邦洞寨 邦洞屯 高寨 畔溪寨

三團寨 陂頭寨 木樓寨 官舟寨

約寨 杞寨 劉家寨 崖脚寨

上高野 中高野 下高野 擺頭寨

血團寨 龍寨 平蠻寨 能溪寨

山蠻寨 岔溪寨 了溪寨 賴洞寨

遠口鄉與支里在縣東廣七十里 計寨分二十九

鷓鴣寨 雲塘灣 遠口矮寨 遠口堡

遠口老寨 新市 遠洞寨 黃田寨

砲團寨 和尚坡 地湖新寨 北湖寨

下河寨 佑家寨 岩虎口 大慕寨

天柱縣志 上卷 三五

新團寨 中團寨 下寨 坡頭寨

原田寨 半山寨 會田寨 漫泥田

安朗寨 羅家寨 暮山寨 安架寨

長田寨

新增里雜處四鄉 計寨分二十

雷寨 江頭寨 大冲寨 望寨

田心寨 賽會寨 伍家寨 白岩寨

坪地寨 度暮寨 度馬高寨 江東寨

冲登寨 新丹頭寨 小龍寨 竹鳥寨

小黃寨 汪溪寨 祭溪寨 血團寨

坊廂里半雜四洞天柱所 汶溪所

以上一百八十三寨二所俱係天柱縣民編戶六里一廂

歸化鄉一箇在縣西南廣五十里計寨分二十五

高釀寨 板寨 醬寶寨 桐木寨

美高寨 隆寨 絞環寨 富冲寨

唐寨 邦寨 口洞寨 地扼寨

革列寨 甘洞寨 地良寨 少洞寨

冲革寨 木杉寨 界牌寨 亞達寨

天柱縣志 上卷 三十六

夏寨 章寨 定寨 平地寨

鬼上寨 歸化鄉一箇在縣東南廣三十里計寨分七十六

上平甫寨 洞頭寨 中寨 苗章寨

春花寨 楊柳寨 茅坪寨 野田寨

地旺寨 羊山寨 溪頭寨 龍塘寨

牛場寨 楞洞寨 邀營寨 唐恩寨

甘溪寨 廣溪寨 圭瓚寨 奔溪寨

麥溪寨 田冲寨 銅鼓寨 芹香寨

溪寨

擺溪寨

野鷄冲

苗溪寨

上下寨

敗灘寨

江口寨

姚家溪

漫頭寨

下平寨

溪口寨

陡坡寨

新寨

上大溪

下大溪

浦頭寨

鮑塘寨

中寨

鴉地寨

偏坡寨

金坪寨

銀洞寨

合冲寨

烏坡寨

蔣溪寨

黃土段

鬼井寨

龍家寨

菜溪寨

唐硬寨

三門塘

喇賴寨

空處寨

大冲寨

清浪寨

地畧寨

天柱縣志

上卷

三十七

過江溪

翁冲寨

地空寨

楊家寨

剪刀坡

冲脚寨

竹寨

劉家寨

李木寨

舊樓寨

翁賽寨

新民鎮

鄧家寨

小江寨

半溪寨

陽豆寨

歸化鄉三畝在縣西北廣八十里

計寨分五十四

漢寨

凱寨

皮厦寨

謝寨

冷水寨

鷄蛭寨

芦拜寨

擺洞寨

勒洞寨

高渺寨

高哨寨

皇徐寨

直營堡

直營寨

高亭寨

老寨

高鳥寨

高疆寨

濯溪寨

鐵廠寨

相公塘

坑頭寨

魚塘寨

巧溪寨

鬼邦寨

裏革溪

外溪寨

高坡寨

平陶寨

屯佑寨

鬼拈上寨

鬼拈中寨

鬼拈下寨

斗你寨

高辨寨

斗潘寨

王喬寨

高枯寨

平暮寨

寨妹寨

芹蒲寨

聖鵝寨

地笋寨

新民庄

悶洞寨

來溪寨

金井寨

老來溪寨

春花寨

白奔寨

暮溪寨

地茶寨

天柱縣志

上卷

三十八

晚上寨

米溪寨

以上一百五十五寨朱君撫化編里當差願為良民百餘年來頗通禮教

田賦

嘗攷禹貢荆楚土塗泥田第八等賦第三等以地
潤而人工修也柱邑為楚岩疆雖廣袤百里而頃
田僅七百八十餘無長源灌溉無萬畝盈郊地非
潤也加以兵火流離哀鴻甫集即豐年所入有正
供而無衣食人工亦未盡修也所恃牧斯土者用
一緩二寓撫字于催科庶不致驅而餓之疾而走
之以自絕于征求之路焉

按照康熙四年新訂全書額載實在中則田七百五

天柱縣志

上卷

三九

十二頃一十七畝八分二厘

五里一廂
與支一里

每畝科糧

一升七合一勺
二升九合七勺三抄

共科秋糧一千四百三十六石一斗三合六勺二抄

每石額徵條銀一兩一錢六分五厘一毫四絲五忽

六微五塵九纖二渺三漠

共徵銀一千六百七十四兩七錢五分九厘九毫二

絲六忽九微

原額中則地二十六頃四十四畝一分六厘二毫每

畝科則不等

共科糧二十石三斗四升九合二勺一抄每石照前則例
額徵銀二十二兩五錢六分五厘四毫三絲三忽五

原額中則塘三頃一十二畝八分九厘七毫每畝科則不等

共科秋糧六石一斗四升六合八勺每石照前則例

額徵銀六兩八錢一分六厘二毫四絲九忽六微

內原荒田二十三頃一十九畝六分五厘二毫四絲

荒糧三十九石六斗五升九合二勺一抄九撮九圭

無徵銀三十七兩九錢八分五厘七毫

天柱縣志

上卷

四

順治十六年開墾田六頃四十七畝二分八厘五毫

科糧一十二石六斗三升九合一勺八抄九撮

該墾銀一十三兩八錢二厘三絲五忽八微已于康熙元年

起科

康熙元年開墾田八頃三十一畝四分七厘四毫

科糧一十六石六斗四升一合八勺三抄七撮

該墾銀一十三兩九錢七分五釐二毫三忽六微三

塵六緞八渺已于康熙四年起科訖

康熙二年開墾田八頃四十畝八分九厘三毫四絲

科糧一十石三斗七升八合一勺九抄三撮九圭

該墾銀一十兩二錢八厘四毫六絲五微六塵三纖

二渺 已于康熙五年起科訖

實在原熟并逐年開墾共成熟原額田地塘共計七

百八十一頃七十四畝八分七厘九毫

共科糧一千四百六十二石五斗九升九合六勺三

抄

共徵銀一千七百四兩一錢四分一厘六毫一絲丁人

帶派在內

天柱縣志

上卷

四十一

明季萬曆末年加派地畝九厘遼餉每秋糧一石加

徵銀一錢八分三厘九毫五絲一微一塵二纖八渺

四漠

共徵遼餉銀二百六十八兩九錢七分九厘五毫五絲

以上條遼并加徵秋米共該實徵銀壹千九百七十

三兩一錢二分一厘一毫六絲人丁帶在內

康熙四年奉文豁免西山故夫八丁隨糧編派銀二

兩

實徵銀壹千九百七十一兩一錢二分一厘一毫五

絲以上係六里一廂輸平應
役徵收五年編審一次

歸化三里原額無畝本色苗糧實該上倉米一千三

百一石八斗四合內照舊例配支廩生排夫舖兵考

其餘存米支放駐防月米并給孤貧口糧年終造冊
赴糧道報銷

歸併天柱所原額中則屯田三十二頃四十畝三分

三厘三毫地塘合筭在內照靖州衛則例每畝科糧

該糧四百八十六石五升照靖州衛每石徵折色四

共該折色銀壹百九十九兩貳錢八分五毫每年全

充餉

天柱縣志

上卷

四十二

歸併汝溪所原額中則屯田一十一頃零六畝照前

該糧一百六十五石九斗照靖州衛則例每石徵折

共該折色銀六十八兩一分九厘每年全徵

以上兩所共糧六百五十一石九斗五升

共徵折色銀二百六十七兩二錢九分九厘五毫

土名章定寨地方中則學田大小二十一坵該稅三

十二畝係苗田每畝徵租穀六斗九升八合五勺共

徵租穀二十二石三斗五升

土名阜國官庄地方下則學田大小一十六坵該稅

二十三畝七分係民田每畝徵租穀三斗二升二合七勺八抄四撮八圭一粒共徵租穀七石六斗五升以上二處學田俱係建縣時朱君罰贖并捐俸所置每年共徵租穀三十石內除穀二石完納正賦外仍存穀二十八石原爲賑給在學貧生而設後奉清查充餉每穀一石遵照

部定價值折銀三錢五分每年共該折銀九兩八錢因康熙十九年分租銀各貧生領用在先後奉文進解充餉見任王令念貧生寒苦何能追取隨自捐俸

天柱縣志

上卷

四十三

銀九兩八錢解赴

布政司交納獲批訖其自康熙二十年起每年租穀折價銀兩遵依

部文查明本學實廩生員並極次貧生各半均給按年造冊申報

奏銷永著爲例

戶口

昔宋仁宗問戶口繁息幾何而李文靖不以對恐
天子富春秋生侈心也大臣忠君謀國之意深且
遠矣天邑民苗各異額丁有差自兵燹以來戶口
凋傷什之三四所企十年後生聚教訓而桑麻百
里煙火萬家自儼狀王者民也守斯土者敬之哉
原額漢彝人丁五千四百九十丁係會同縣原額招
徠五百九十二丁增出四千八百九十八丁內民成
丁八百二十一丁幼丁一百二十三丁

俱係一體編差隨糧徵派

天柱縣志

上卷

四十四

康熙四年奉文豁免西山故夫八丁查照明季萬曆
年間每丁派銀貳錢五分該除銀貳兩

於糧銀內扣除

實在人丁五千四百八十二丁

照例隨糧帶派在內

三里苗丁原額四千五百四十六丁

內照明季志書減除苗丁五百

五實在苗丁四千四十一丁

每丁歲納鷄一隻折銀三分

共徵鷄折銀一百二十一兩二錢三分

以上人丁共實在九千五百二十三丁

地丁遼餉并鷄折共實徵銀二千九十二兩三錢五

分一厘一毫六絲

除豁免故丁銀二兩在外

本縣六里一坊廂逾年七十戶

册糧騎零各戶附于本管戶內

苗里舊設通總三名通事三十六名今改設糧長尙

長催辦丁銀秋糧赴縣上納

天柱所歸併後分立一十二戶

東四戶南四戶北四戶

汶溪所歸併後分立一十五戶

前所七戶半後所七戶半

起運

戶部項下

夏秋本折起運無

玖厘遼餉銀貳百六十八兩九錢七分九厘五毫

天柱縣志

上卷

四十五

五絲

清出苗丁鷄折銀壹百貳十壹兩貳錢叁分

歸併天柱汶溪二所屯餉銀貳百六十七兩貳錢九分

九厘五毫

禮部無

工部項下

秋糧折色起運

胖襖褲鞋

二十九副每副一兩二錢水脚三錢

共銀貳十八兩五錢

內除豁免故丁銀

三分三厘四毫四絲七忽九微二塵四纖九渺

綾紗紙價銀八兩一厘六

之年方派不

光祿寺項一

甲丁庫供應顏料菓品等銀叁十九兩六錢貳分五厘

內除豁免故丁銀四分六厘伍毫四忽

以上起解

戶工光三部寺共該原額銀七百二十五兩六錢三分四厘五絲內除故夫丁銀外詳見上

實徵起解銀七百二十五兩五錢五分四厘九絲

天柱縣志

上卷

四六

七忽七微二塵五纖

舊編存留奉裁充餉

順治九年裁各役工食銀貳百貳十八兩八錢此項撥補

不足經制無銀裁解

順治十四年裁薪廩等銀貳百四十八兩六錢九分

九絲八忽七微此項撥補不足經制無銀裁解

順治十六年裁馬快草料等銀貳百六十六兩四錢

內除撥補不足經制銀貳百壹兩壹錢七分四毫九絲一忽三微外

實裁銀六十五兩貳錢貳分九厘五毫八忽七微

康熙元年裁廩糧書辦等銀壹百四十六兩五錢三分三厘三毫三絲四忽

康熙四年續裁教諭門斗工食銀七兩貳錢

以上通共裁銀八百九十七兩六錢二分三厘四毫三絲二忽七微內除撥補不足經制銀六百七十八兩六錢六分五毫九絲

實裁銀貳百壹十八兩九錢六分二厘八毫四絲二忽七微內又共除故丁銀貳錢五分六厘九毫七絲七忽二微六塵六纖

天柱縣志

上卷

四十七

實裁起解銀貳百壹十八兩七錢五厘八毫六絲五忽四微三塵四纖

原裁江東司巡檢官役弓兵俸食除裁入節年裁款外 該銀六十九兩三錢五分

除豁免故丁銀八分一厘三毫八絲九忽九微四塵七纖

實徵銀六十九兩貳錢六分八厘六毫一絲五塵三纖

以上 各部寺地丁條遼苗丁鷄折歸併屯餉節年裁款及原裁江東司官役俸食共銀壹千壹十

三兩九錢四分六厘八毫九絲二忽七微
內共除免故丁銀四錢壹分八厘三毫一絲九忽
四微八塵八纖

實徵起解條遼等項壹千壹十三兩五錢二分八
厘五毫七絲三忽二微一塵二纖

雜運

康熙二年奉裁廩生廩糧米四十石每石折銀四錢
共銀壹十六兩每年解司充餉

全書刊載每年額徵木稅銀三十兩解司充餉

天花縣志

上卷

四十八

存留經制款項

本縣知縣一員

俸銀六十三兩四錢九分
順治十四年裁一十八兩四錢九分

存銀四十五兩

心紅紙張銀貳十兩

修宅家伙銀貳十兩
順治九年全裁

油燭銀壹十兩
順治十四年全裁

迎送上司傘扇銀貳十兩
順治十四年全裁

吏書一十二名
每名歲支工食銀一十兩八錢共銀壹百貳十九

兩六錢

順治九年每名裁銀四兩八錢康熙元年全裁

門子二名

每名工食銀七兩二錢順治九年各裁銀一兩二錢

存銀十二兩

皂隸一十六名

每名工食銀七兩二錢奉裁同上

存銀九十六兩

馬快八名

每名歲支工食銀一十八兩順治九年各裁銀一兩二錢順治十六年全裁草

料銀八十

存銀四十八兩

民壯五十名

每名工食銀七兩二錢順治九年各裁銀一兩二錢順治十六年裁三十

名裁銀一

百八十八兩存銀一百二十兩

燈夫四名

每名歲支工食銀七兩二錢順治九年各裁銀一兩二錢存銀二十

四兩

看監禁卒八名

每名歲支工食銀七兩二錢順治九年各裁一兩二錢

存銀

四十八兩

修理倉監銀二十兩

轎傘扇夫七名

每名歲支工食銀七兩二錢順治九年各裁一兩二錢

存銀

四十二兩

庫書一名

歲支工食銀一十二兩順治九年裁半康熙元年全裁

倉書一名

歲支工食銀一十二兩順治九年裁半康熙元年全裁

庫子四名

每名工食銀七兩二錢順治九年裁同上

存銀二十四兩

斗級四名

每名歲支工食銀七兩二錢裁同上

存銀二十四兩

典史一員

俸銀叁十壹兩五錢貳分

書辦一名

歲支工食銀七兩二錢順治九年
裁銀一兩二錢康熙元年全裁

門子一名

皂隸四名

馬夫一名

以上每名工
食裁同上

共存銀叁十六兩

鎮遠司巡檢一員

俸銀叁十壹兩五錢貳分

書辦一名工食銀七兩二錢

順治九年裁同上
康熙元年全裁

天柱縣志

上卷

五十

皂隸二名

裁同上

共存銀壹十貳兩

江東司巡檢一員

俸銀叁十壹兩五錢貳分

查照明季全裁
逐年解司充餉

書辦一名

全裁同

皂隸二名

順治九年
裁銀同上

存銀壹十貳兩

查照明季全裁
逐年解司充餉

儒學訓導一員

俸銀叁十壹兩五錢貳分

學書一名

康熙元年
全裁

門斗三名

康熙四年
奉裁一名

存二名工食銀壹十四兩

四錢

齋夫六名 每名工食銀一十二兩 共銀七十貳兩

膳夫二名 每名廩給銀二十兩 順治十四年奉裁三分之二 存銀壹十

三兩三錢三分三厘三毫三絲三忽三微

喂馬草料銀壹十貳兩

撥運

科舉銀貳兩

曆日銀壹兩

一驛站

協濟辰州府辰陽驛馬三匹正閩銀壹百五兩七

天柱縣志

上卷

五十一

分貳厘五毫

洪江驛水夫銀壹十貳兩貳錢

均徭

各路舖司兵二十二名 每名工食銀二兩五錢 共

銀五十六兩八錢三分二厘六毫 又每名我支米六石二斗五升

共米壹百叁十七石五斗 近奉將米裁半

鎮遠司弓兵二十名 每名工食銀二兩六分六厘六毫 共銀四十

壹兩叁錢叁分貳厘 順治十四年奉裁一半 存銀貳十兩陸

錢六分六厘 我支米數同上 共米壹百貳十五石 近奉將米全裁

江東司弓兵二十五名工食同上共銀五十壹兩六錢

六分裁半存半解司充餉找支米數同上共支米壹百五

十五石三斗五升此項照明季久裁銀米俱解充餉

鷓鴣江東二處渡夫二名工食照上年裁半存銀貳

兩陸分六厘六毫又每名找支米五石共米壹十

石近奉將米全裁

小江渡夫一名工食銀七錢七分五厘同年裁半存銀

三錢八分七厘五毫又找米壹石八斗七升五合

近奉將米全裁

天柱縣志

上卷

五十二

各渡修舡銀貳兩壹錢同年裁半存銀壹兩五分

走遞夫馬

本縣排夫二十名每名工食銀二兩五錢八分三厘三毫三絲共銀五

十壹兩六錢六分六厘六毫找支米同共支米壹百二

十五石此項全裁不用銀米俱起解充餉

脚馬八匹工料銀壹百三十九兩二錢此項銀每年解驛糧

道衝用開銷

祭祀

龍亭儀仗修理銀壹兩

文廟二祭共銀四十兩

啟聖祠二祭共銀七兩

山川社稷二壇共祭銀二十一兩

邑厲壇三祭共銀壹十二兩

香燭米銀壹兩三錢二厘

鄉飲二次共銀一十二兩順治十四年裁半存銀六兩

霜降祭祀銀壹兩五錢

雜支

廩生二十名每名廩給銀五兩六錢共銀壹百壹十貳兩順治

天柱縣志

上卷

五十三

十四年奉裁三分之二康熙二年全裁又每名配支米六石共該米壹百貳十

石順治十四年裁去八十石作防兵

歲貢盤纏銀壹十五兩

歲貢生員花紅旗匾脚力銀共六兩內脚力銀二兩正陪二名

分

朝覲盤纏銀壹十三兩順治十四年奉文存銀四

兩三錢三分三厘三毫三絲四忽

提學道歲科考生童試卷銀四兩順治十四年裁半存銀

貳兩

科舉生員盤纏銀九兩二錢三分三厘二毫合三二

名爲率

春牛芒神門神桃符等銀貳兩貳錢順治十四年全裁

孤貧十名歲支布花銀三兩

供應銀四十兩順治十四年全裁

備用銀四十七兩八錢

以上存留各官役俸食驛站均徭夫馬祭祀雜支

等項共銀壹千三百四十七兩七錢三厘七毫六

絲七忽三微

內除豁免故丁銀壹兩五錢八分一厘六毫八絲

五微一塵二纖各照款項多寡數目除減詳見全書

實徵銀壹千三百四十六兩一錢二分二厘八絲

六忽七微八塵八纖每年遵照款項按數解支

湖課匠班等項銀無

附批准照糧汎差詳文

湖廣直隸靖州天柱縣爲照糧之 憲恩已施肆股
之僞例宜革叩詳勒石永除後害事據本縣紳衿里
民楊應元蔣正時羅君鼎羅尚賢楊有標楊承孺武
耆定陳加級楊奇楫張德會吳興都楊仕貴蔣陶池
楊游胡楊國祥等詞稱天柱縣係極邊苗邑正賦未
滿貳千兩名雖爲縣其實不及別屬一殷實之家自
明季萬曆年間改所建縣一應差事俱照依額糧分
汎民無偏枯之累不意僞逆盤踞之時苛政虐民差

天柱縣志

上卷

五五

事不論額糧止論股數遇有一事肆股分汎靖州壹
股綏寧縣壹股會同縣壹股通道天柱兩縣共壹股
而天柱又認此壹股中之柒分通道止認此壹股中
之叁分但靖州有額糧陸千叁百餘石綏寧會同額
糧約記亦共有壹萬伍拾餘石而通道止額糧捌百
玖拾餘石天柱止額糧壹千肆百陸拾餘石合通道
天柱計筭止共有額糧貳千叁百餘石是通天兩縣
之糧尚未及綏寧會同之半安得竟以壹股分汎連
年軍需緊急恐于遲悞未敢控籲有力者賣屋賣田

無力者賣妻賣子公事雖勉強完杜實係割肉醫瘡
僅存皮骨隅泣難堪去歲遵奉 藩司天恩酌議照
糧當差申詳 偏撫都院大老爺批允通飭一例奉
行誠爲至公盛舉又蒙縣主出示曉諭凡在屬民無
不手額歡呼共沐 憲恩於無既身等窮蟻幸處光
天化日之下二函圖永除後患之謀叩乞縣主上遵
憲檄下恤民艱脩文詳明 各憲大老爺嗣後如有
差事無論大小靖屬一州四縣必照各徵額糧之多
寡從公分派將偽逆所遺肆股分認之陋例盡行革

除勒石縣前以垂永久庶苦樂得均殘黎稍存一綫
而州縣一視則 憲恩真同七級矣事切剝膚望恩
哀訴等情具詞投縣據此該本縣知縣王復宗查得
糧從地起差隨糧辦誠至公不易之良法也天柱彈
丸苗邑僅編陸里壹廂額糧止壹千肆百餘石屬在
靖州之末往例差事照糧分派苦樂適均民稱其便
後因僞逆更改舊例差事不論糧而論股將通道天
柱合爲壹股與靖州及綏寧會同貳大縣照股均應
竟不思綏會共有額糧壹萬伍拾餘石通天止共有

糧貳千叁百餘石卽將兩小縣併爲一處未及綏會
之半安能與兩大縣爲之頡頏乎不均之累匪朝伊
夕矣去歲遵奉 藩司洞悉民情議定照糧當差申
詳 憲臺批允飭行遵照 卑縣仰體如天 憲恩隨
經出示曉諭通縣之頂戴 恩施者不啻出諸水火
之中但小民害切剝膚唯恐日久法弛又蹈覆轍歎
于泚 恩之際卽爲防患之圖具詞呈控請將從前
四股均應僞例勒石永禁雖係愚民之過慮然亦除
害務盡根株之意也 卑縣忝司民牧理合代爲申達
天在縣志

上卷

五十七

仰祈 憲臺大施惻隱俯念殘黎困苦已久今幸獲
甦息應與安全嗣後如或有奉派一應差事唯遵照
糧當差之 新恩永革四股分派之僞例批准勒石
以垂久遠以杜後患庶縣額之大小有所分別民力
之勞逸得免偏枯則 憲臺始終大恩真同高厚不
朽矣緣係勒石禁革事理可否允行必候 憲裁定
奪又非 卑縣所敢擅便者也擬合申詳爲此今備前
由另具書冊具申伏乞 照詳明示遵奉施行須至
申者

康熙二十四年二月十六日知縣王復宗典史呂金聲奉

巡撫偏沅等處地方提督軍務兼理糧餉都察院右副都御史丁 批如詳勒石永禁繳

奉

湖廣湖南按察使司分巡辰沅靖道王 批既先經

藩司議以照糧應差詳明

撫憲批久在案仰卽勒石遵照繳

奉

天柱縣志

上卷

五十六

湖廣直隸靖州正堂祝 批業經轉詳

藩憲矣仰侯批示行繳

土產

嘗攷禹貢之經別土性辨物宜蓋山林川澤之利為民生日用需苟不為之樽節愛養其間是亦王道之未備也天柱雜處山隅所產雖不聞珍異而凡飛潛動植布帛泉刀之屬亦足以通食貨廣源流余故採而列之以著于篇

穀之屬

稻黍稷菽麥林梁芝蔴蕎

稻處一而黍稷之類入恐時乏不成昔人所以

多其備而為之救也遍觀邑人所藝者唯早中晚三禾其餘所收無幾是在司牧者多方而教藝之云

天柱縣志

上卷

五十九

布帛之屬

絲絹無綿葛最麤疎

果之屬

桃杏李梅棗柿梨栗橙柚柑橘枇杷石榴核桃冬桃烏桃銀杏楊梅林檜

蔬之屬

芥茄蘿蔔芹芋莧蔥蒜韭苣蒿甜菜苦蕒蒿苣菠萊瓜葫蘆笋蕨荳莢

花之屬

牡丹芍藥紫薇月桂茶藤海棠玉簪鳳仙芙蓉碧

桃紅梅鷄冠薔薇金鳳石竹茉莉百合木槿香花
龍爪百日紅剪羅紅夜落金月月紅秋海棠映山
紅鋪地錦金銀花十姊妹蘭蕙葵榴蓮桂菊以上
四時俱備

草之屬

鳳尾龍鬚虎耳狗尾馬鞭魚香包茅木賊芭蕉苜
蒲艾蒿蓼藻

藥之屬

黃精香薷薄荷茱萸枸杞何首烏乾葛香附荆芥

天柱縣志

上卷

六

紫蘇草麻薏苡蒼耳稀莩面香當歸牽牛五加皮
土牛膝桔梗常山知子天冬地冬山茶黃白

竹之屬

簕竹紫竹白竹水竹斑竹苦竹實竹緇竹

木之屬

杉楓松栢桐梓椿槐栗柳桑柘檀楮棕樟株椰皂
莢白楊鬼柳冬青樅

雜貨之屬

楮子花椒木耳蠟虫桐油茶油菜油麻油蜂蜜

